



# Synfocity = 836

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

April 14, 2022

## □ **Calcutta Mission Field leh Jharkhand Mission Field Church Court hawng**

Synod Inkhawmpui wawi 98-nain Jharkhand Mission Field leh Calcutta Mission Field-a Church Court hawn a remtih angin April 9, 2022 (Inrinni)-ah Calcutta Mission Field leh April 11, 2022 (Thawhtanni)-ah Jharkhand Mission Field Church Court chu Synod Moderator Rev. Dr. Vanlalngbaka Ralte-in a hawng a. Kohhran mipuiten an hlutin an ngai pawimawh hle a ni.

April 9, 2022 (Inrinni) khan Calcutta Mission Field Church Court chu Synod Moderator Rev. Dr. Vanlalngbaka Ralte-in a hawng a. Church Court hawnna inkhawm hi Mizoram Synod Moderator Rev. Dr. Vanlalngbaka Ralte-in kaihruiin Calcutta Mission Field Church Court leh hriatrengna thuziak a hawng nghal a, thuchah a sawi bawk. Synod Mission Board Secretary Rev. R. Lalhmingsanga'n thu a sawi a, Field Secretary Rev. J.C. Lalramliana'n Field report a pe bawk. Programme hman zawhah hian Church Court hawn lawmna ruai kilho nghal a ni.

Calcutta Mission Field hi kum 1988 a din a ni a, tunah hian Pastor bial 8 a awm a, Field Secretary 1, Pastor 8, Missionary 58 leh Field Workers 192 ten rawng an bawl mek a, Craft centre 7 leh Non Formal School 65 kal tlanga Chanchin Tha hril mek a ni bawk. Kohhran member 9250 an awm mek a ni.

Calcutta Mission Field-in a kum 34 naah Church Court a hawng thei hi Field tan leh Kohhran tan mellung pawimawh tak a ni a, a lawmawm tak zet a ni.

April 11, 2022 (Thawhtanni) khan Jharkhand Mission Field Church Court hawn a ni leh a. Church Court hawnna inkhawmah hian Rev. Dr. C. Lalthanzara, Field Secretary-in Field Report a pe a, Church Court chungchang Rev. R. Lalhmingsanga, Secretary, Synod Mission Board-in a sawi a. Synod Moderator Rev. Dr. Vanlalngbaka Ralte-in thuchah a sawi a. Kohhran Zaipawl pathum an zai bawk. Church Court hawnna inkhawm hi a ram miten an hlut hle a, mi 500 vel pungkhawm tura beisei an nih laiin, mi 1000 chuang lai he hun ngaipawimawh hian an kal khawm a ni. Kolkata atangin Field Secretary, Mizo Presbyterian Kohhran Pastor leh O/A ten an hmanpui bawk.

Mizoram Presbyterian Kohhran chuan Jharkhand-ah hian Laipuitlang Kohhran hmalakna-in kum 1986 atang khan rawngbawl hna a lo tan tawh a. A tirah chuan Laipuitlang Kohhran enkawl Santal Christian Fellowship a awmte zing atangin an chipuite hnena Chanchin Tha hril tur an tir chhuak thin a. Kum 1989 atang khan Missionary intirin ringthar an siam a, chung an ringthar neihte enkawl leh an hmalakna umzuiin Synod Mission Board chuan kum 1998 khan (hemi kum Synod Inkhawmpuiah pawm a ni) a la ta a ni. Kum 2008 April 1-ah Field hi hawn a ni a. Jharkhand Mission Field hawn a nih hma hian Patna Mission Field hnuaiah kum 9 (1999-2007) a awm. Hawn a nih lai hian Pastor Bial pathum: Dumka, Jugia leh Kathikund Pastor Bial a awm a, member 2500 vel an ni.

Tun dinhmunah Pastor Bial 7, member zawng zawng 8301, chungkaw zat 1982 an awm mek a. Tin, thawktu Ordained Minister leh Pro. Pastor 11, Missionary 49 leh Field Worker 67 an awm mek a, heng bakah hian Kraws Sipai 40 leh Genesis School Local Teacher 3 an awm bawk.

## □ **Synod Mission Board leh ram pawn chet velna**

### ◆ **Odisha Mission Field**

April 8 & 9, 2022 khan Raygada Bial chhung Jamput, Dengnaguda leh Tentuliguda khuah thawktuten Free Medical Clinic an nei a, mipuiin an hlut hle a, damlo mi 150 vel an en hman a ni.

### ◆ **Jharkhand Mission Field**

April 7, 2022 (Ningani) khan ringthar 5 Lal Isua zui turin an inpe a, April 10, 2022 (Pathianni) khan ringthar 6 Lal Isua zui turin an inpe a. Northern Evangelical Lutheran Church (NELC) atangin chungkaw 2 kan Kohhranah an inpe bawk.

### ◆ **Assam Mission Field**

April 10, 2022 (Pathianni) khan ringthar 6 Lal Isua zui turin an inpe.

### ◆ **Siliguri Mission Field**

April 10, 2022 Pathianni khan ringthar 9 Lal Isua zui turin an inpe a, Siliguri Field hian kumina ringthar an target 200 chu January - April, 2022 chung hian an nei tling der tawh a ni.

♦ **Nepal Mission Field**

April 10, 2022 (Pathianni) khan ringthar 3 Lal Isua zui turin an inpe.

♦ **Lucknow Mission Field**

April 10, 2022 (Pathianni) khan ringthar 5 Lal Isua zui turin an inpe.

♦ **Barak Area Mission Field**

April 10, 2022 (Pathianni) khan ringthar 6 Lal Isua zui turin an inpe.

□ **Good Friday leh Easter Sunday**

Khawvel chhandam tura kan Lalpa Isua Krista Thihna leh Thawhlelna hun ropui Kohhran Ni pawimawh Good Friday leh Easter Sunday programme hman a ni ang. April 15 (Zirtawpni) hi Good Friday niin April 17(Pathianni) hi Easter Sunday a ni a. April 14 Maundy Thursday atangin Good Friday Programme hi hman tan a ni ang a. Presbyterian Kohhran chuan Good Friday leh Easter Sunday thupui inang tlang hetiang hian zirho a ni ang.

**Good Friday:**

Chawhma : Sual man chu thihna

Chawhnu : A Thlarau a thlah ta

Zan : Krista thisen- sual ngaihdamna

**Easter Sunday:**

Chawhma : Thawhlelna ropui

Chawhnu : Tho leh Lalpa hmutute chu

Zan : Amah ngei hi a lo kal leh ang

Good Friday leh Easter Sunday hi Krismas te anga a Ni ngai hman a ni lo va, a chhan chu Lal Isua thih hun lai hi Judate Kalhlen Kut hman lai vel Nisan ni 14 vel a ni a, chu chu March thla chawhnu lam, March 20 hnu, April ni 25 hma lam si, thla fang bial lai a ni a. Chuvangin tun thleng hian Good Friday hun hi March ni 20 leh April ni 25 inkara thla fang bial lai, Zirtawpni hi a ni ta zel a. Good Friday hma Pathianni hi Tumkau Ni-ah hman a ni a, Good Friday zawh Pathianni hmasa ber chu Isua Thawhlelni, Easter Sunday a ni ta zel a, Easter Sunday atanga chhuta ni 50-na chu Pentikos ni a lo ni ve leh bawk a ni. Thla fang bial lai chhuta a hun leh ni ruat thin a nih avangin heng ni pawimawh te hi a hun leh ni a danglam deuh hret hret thin a ni.

April 18, 2022 (Thawhtanni) hi Easter Monday anih avangin Synod hnuaiia department hrang hrang te khar a ni ang.

□ **Sikulpui**

Mizoram Sorkar-in April 5, 2022 atanga zirna in hawn leh tur thuchhuah a siam angin Mizoram Presbyterian Church Sikulpui pawh a inbuatsaih chho ve a. April 11, 2022 khan Sikulpui, Pawl 1 - Pawl 8 te chuan a takin class an kal tan ve ta. Pathian hnena lawmthu sawina leh inhlanna hun te hman a nih hnuah anmahni Pawl theuhah Zirtirtute nen inhmelhriattirna neiin hriat tur tulte inhrilh a ni a. Chumi zawhah thlalak hona (photo session) neiin a ni. Zirtirtute leh naupangte an hlim tlang hle.

Naupang 211, Zirtirtu 15 (Headmaster nen), Non Teaching Staff 3 an awm a. Kum 2020 -2021 session atangin online class kalpui tan a ni a. A bul tan atangin Pathian hruaina leh malsawmna an dawng nasa hle a, naupang thahnem tak neiin kuminah pheii chuan lak sen loh diltu an awm hial a ni. Sikulpui thawktute chuan, Missionary rilru puin Sikul tha tak din chhoh leh a, SIKULPUI a nih thin ang takin, Pathian ropui nana Sikulpui tih-PUI leh tumin theihtawp an chhuah zel a ni.

□ **Mizoram Christian College (MCC)**

April 13, 2022(Nilaini) khan Mizoram Christian College(MCC) chuan College week 2022 an hman tak lawmman semna hun an hmang a. He hun hi Rev. Z.D Lalhmachhuana, Synod Secretary(Sr.) Mizoram Synod-in a hmanpui.

Program hi NSS Blood Donation-in a chhunzawm a, thisen pek runpui hi NSS leh EU ten an kengkawh a ni. Thisen hi a vaiin Unit 33 pek niin mipa 31 leh hmeichhia 2 ten an pe thei a ni. Synod enkawl, Mizoram Christian College hi kum 2020 khan din niin, tunah hian Principal Rev. Dr. Lalchungnunga kaihhraina hnuaiiah Faculty 19, Office Staff 5 leh zirlai 200 chuang an awm mek a ni.

□ **Zin**

April 8 - 11, 2022 chung khan Churachandpur-ah Manipur Area Staff training neihpuiin Dr. Robert. S. Halliday, Superintendent a kal.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Thanglailung	Damlo	2	Rs. 16,000/-
2.	Kawlkulh	In kang	1	Rs. 10,000/-
3.	Hrianghmun	Damlo	1	Rs. 8,000/-
4.	Phuaibuang	Damlo	1	Rs. 8,000/-
			<b>TOTAL</b>	<b>Rs. 42,000/-</b>

Synod Executive Committee (SEC)-in a rel angin Burma raltlan chhungkaw 1418 hnenah Rs. 20,00,000/- (nuai sawmnhnih) pek an ni a, heng raltlante hi Bial hrang hrang 9 huam chhunga awmte an ni.

☐ **Finance**

Synod hnuai department hrang hrang ram chhung leh ram pawn ami te sum Audit hna thawh mek a ni a, April thla chhunga zo hman tura tih niin May 6, 2022-ah Audit Note leh Financial Statement te thehltut hman tura ruahman a ni.

☐ **Synod Prison Ministry**

April 15 (Good Friday) leh April 17 (Easter Sunday)-ah Prison Ministry-in hetiang hian Central Jail leh District Jail, Armed Vengah te hun an hmang ang.

**Good Friday:**

Central Jail - Rev. Lalhmuchhuaka, Director leh Bungkawn Kohhran Masihi Sangati

District Jail - Rev. Zaithanmawia leh Rev. Laltlanthanga

**Easter Sunday:**

Central Jail - Chawhma - Rev. Lalthatluanga, Rev. Samuel Lalrinsanga leh Rev. H. Laldanmawia

Chawhnuah - Rev. H. Lalawmpuia, Rev H. Lalmuanchhana leh Rev. Lalthatluanga

District Jail, Armed Veng:

Chawhma - Rev. Dr. K. Lallawmzuala, Executive Secretary i/c Prison Ministry

Chawhnu - Rev. Lalhmuchhuaka, Director

☐ **Hruaina Eng FM Radio :**

**APRIL 15, 2022 (Zirtawpni) (FM Zoawi - Aizawl & Lunglei @ 7:30 p.m.):**

*Solo* : Liandingpuii - Isua Kraws

*Zaipawl* : Hnahlan Bial Zaipawl - Ka damna kraws

*Thusawi* : Rev. Lalramliana Pachuau - Ka chhuan ber Isua Kraws.

*Solo* : Laldusaki - Kraws thisenin mi chak theilo.

*Zaipawl* : Champhai kahrawt Bial Zaipawl - Aw kraws

☐ **Susamachar Prasaran Programme :**

**APRIL 17, 2022 (Pathianni) 5:00 pm. :**

*Group/Choir/Solo* : Winston Mathew - Milkar Hum Gayenge

*Group/Choir/Solo* : Moreen, Solomon & Sunaina - Yesu zinda huwa

*Sermon* : Rev. Lalthatluanga - Yisu Mirtue Par Vijay Paya He

*Group/Choir/Solo* : Kawngkharmawii

*Group/Choir/Solo* : The Leprosy Mission Choir - Ham Soup Te He

☐ **Moderator leh Executive Secretary-te Programme:**

**Rev. Dr. Vanlalnghaka Ralte : Moderator**

April 14, 2022 Thakthing Veng Kohhran (Zan)

April 15, 2022 Hunthar Veng Kohhran (Chawhma)

Ramhlun North (Zan)

April 17, 2022 Ramhlun Vengthar Bial - Ramhlun Sport Complex (Chawhma)

Ramhlun Vengthlang (Chawhnu)

Ramhlun Vengthar (Zan)

April 20, 2022 OM

**Rev. C. Zorammawia : Senior Executive Secretary**

April 14, 2022 Chawlhmun Kohhran (Zan)  
 April 20, 2022 OM

**Rev. V.L. Luaia Hranleh : Executive Secretary**

April 14, 2022 Ramhlun Vengthar Kohhran (Zan)  
 April 20, 2022 OM

**Rev. Dr. K. Lallawmzuala : Executive Secretary**

April 14, 2022 Ramhlun North Biak In Mual (Zan)  
 April 17, 2022 District Jail tlawh  
 April 20, 2022 OM

**HNA RUAK DIL THEIH**

Mizoram Presbyterian Kohhran, Synod Rescue Home-a thawk tur Staff Nurse 1(Pakhat) contract-in lak a ni dawn a, kum 18 - 35 inkar, ni 16.5.2022 a kum 18 tling, kum 35 la pumhlum lo zuk leh hmuama fihlim, Presbyterian Kohhran mi tan dil theih a ni. Hna dilna form chu ni 11.4.2022 (Thawhtanni) atangin Synod Office (Aizawl leh Lunglei)-ah lak chhuah theih a ni. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna form-ah hriattur pawimawh tihlan a ni.

Thiamna : GNM / B. Sc.(Nursing) from any recognized board / institute  
 Hlawh : Synod hnuai contract Staff Nurse hlawh

**Dil theih hun chung : Dt. 9.5.2022 (Thawhtanni), 3:00pm thleng**  
**Screening Test/exam : Dt. 10.5.2022 (Thawhlejni), 10:00am**  
**Interview : Dt. 16.5.2022 (Thawhtanni), 11:00am**

Sd/-  
 Rev. C. Zorammawia  
 Secretary, Synod Service Board  
 Synod Office

**SYNOD BOOKROOM BOOK NEWS FOR THE MONTH OF APRIL 2022**

- |  |           |
|--|-----------|
| <b>1. Chanchin Tha Bu-a Thu Inmilte &amp; Chanchin Tha Bu-a Milpui Nei Lote:</b> |           |
| Rev. Dr. C. Lalramchhana   | Rs. 400/- |
| <b>2. Mihring Inbiak Pawhna:</b> Rev. Dr. C. Lalhlira                            | Rs. 70/-  |
| <b>3. Kristian Polemics:</b> P.C. Lalropuia                                      | Rs. 250/- |
| <b>4. Naupangte Thian:</b> Lalhmingmawii Rawihte                                 | Rs. 120/- |
| <b>5. Mizo Competitive Year Review:</b> R.K. Lalhluna                            | Rs. 300/- |
| <b>6. Zoram Hriselna Kailawn Dawhtute:</b> Dr. B. Thangdailova                   | Rs. 250/- |
| <b>7. Riahbuk Vanram:</b> Chhantea Pautu   | Rs. 200/- |
| <b>8. Ch. Chhunga Chanchin:</b> James Dokhuma                                    | Rs. 200/- |
| <b>9. Mathematical Tricks:</b> Lalthlamuana                                      | Rs. 200/- |
| <b>10. Medical Guide (Dictionary):</b> Dr. B. Thangdailova                       | Rs. 250/- |
| <b>11. Kaphleia leh C. Thuamluaia hnuhma:</b> B. Lalthangliana                   | Rs. 200/- |
| <b>12. That Loh Theih Lohna Bawm:</b> Lalsawta                                   | Rs. 50/-  |
| <b>13. Rem Hriatna:</b> Mizoram Mistiri Association General Headquarters         | Rs. 100/- |
| <b>14. Mistiri Theka Rate:</b> Mistiri Association General Headquarters          | Rs. 50/-  |
| <b>15. Ka Lo Nghak Reng Che Asin:</b> Danny H. Lalramenga                        | Rs. 100/- |
| <b>16. Anu.chunnu:</b> C. Lalnunhlui   | Rs. 150/- |
| <b>17. Thunun Thawnthu:</b> K. Lalchhuansangi                                    | Rs. 150/- |
| <b>18. Ram Leh Hnam Tana Tuarna - Bu hnihna:</b> Rebeki                          | Rs. 250/- |